

LDC APPLICATION FORM FILL UP DAN TUR INKAIHHRUAINA

Directorate of Science & Technology hnuai hna diltute chuan dilna Form fill up hmain he inkaihhruaina hi chhiar hmasak ngei ngei tur a ni:

- 1) Hna diltu chu India khua leh tui niin, HSSLC passed, kum 18-35 (plus relaxation eg. +5 for SC/ST) inkar, Computer proficiency certificate nei a ni tur a ni. Tin, zirna a thlen san berna certificate, eg. B.A/MA etc. thil tel nise.
- 2) Application Form hi kim taka fill up vek tur a ni, application form kim lova thehlut chu 'disqualify' a ni ang.
- 3) Application form thehlut tuten an application a felfai em tih an chian tur a ni a, Department a form thehluh hunah a lo dawngsawngtute leh lo enpuitu an awm pawhin, fel lo a lo awm chuan a lo dawngsawngtute leh enpuitu ten mawh an phur lo ang.
- 4) Dilna hi document kimchang nen **August ni 13, 2026** atanga **September ni 15, 2026** Office hun chhungin Directorate of Science & Technology-ah theh luh theih ani ang.
- 5) Sorkarin mahni a document in-attest a phal avangin mahni document attest tur a ni a, mahni ni lo, midang (Gazetted Officer ni si lovin) lo attest sak erawh pawm a ni lo ang.
- 6) Application hi dak (post/speed post) hmanga thawn tur chuan 'Last day of submission' hma ngeia dawn hman a nih nan hma taka thawn tur a ni a, last day hnuah application pakhat mah dawn a ni lovang. Tin, dak a thawntu chuan pawisa pek ngai Application fee an pek hmasak loh chuan a application 'disqualify' a ni ang.
- 7) Application form, documents leh fees theh luh tawh chu lak chhuah leh phal a ni tawh lovang.
- 8) Hna diltuin a signature a pek (sign) loh chuan 'disqualify' a ni ang.
- 9) Hna diltute dilna chungchangah Department-in lehkha a thawnnchhuah hian lehkha a kal muan avang leh bo thei a nih avangin thil pawimawh inhriattir nan department website <https://dst.mizoram.gov.in> hman a ni anga, lo ngaihven tur a ni. Heng atang hian Test/Exam hun leh Call letter lam hun etc. inhriattir a ni ang.
- 10) Education Certificate leh thiamna dang Certificate self-attested photocopy theh luh tur a ni a, Mark Sheet erawh thehluh tel loh tur.
- 11) Recruitment process kal laiah hna diltuin a tih tur a tih hmai leh tlai thilah hotu sang zawk hnena dilna siam loh tur a ni. Awmzia a awm lovang.
- 12) Application fee hi ST/SC/OBC certificate thehlut tel tan Rs. 150/- pek tur a ni ang. Chutiang certificate nei lo chuan application fee Rs. 200/- pek tur a ni. Disability Certificate thil tel tan pawisa engmah pek a ngai lovang. **Application fee hi a pawisa fai (cash) a pek tur a ni a, GPay leh online payment apps dangte hmanga pek theih a ni lovang.**
- 13) LDC Syllabus kimchang chu Department website <https://dst.mizoram.gov.in> ah download tur a ni.